

沅
湘
耆
舊
集

沅湘耆舊集卷第九十二

新化鄧顯鶴湘臯編輯

長沙毛國翰青垣校訂

陶園詩老張九鉞

古體詩五十九首

九鉞字度西湘潭人乾隆壬午順天鄉試舉人歷
官江西南豐峽江南昌廣東始興保昌海陽知縣
以艱去尋以海陽案牽連落職遍遊嵩洛偃輦閒
晚歸湘潭主昭潭講席久之乃卒嘗自以先世居
襄陽死後當葬我於峴山之麓故自號紫峴天下
稱之爲紫峴先生有陶園詩集二十八卷詩餘二
卷先生生有異稟七歲能詩九歲通十三經及史

鑑大略十二歲補博士弟子員充乾隆辛酉拔貢
生 廷試第一畱監肄業考補正紅旗官學教習
既舉京兆屢陞禮部試久之始以資得縣令所至
有治聲先生諸孫曾乞余作家傳甚詳先生才名
震海內年十三登采石磯賦長歌人呼爲太白後
身乾隆中西師奏捷 朝廷行郊勞禮方恪勤公
觀承總督畿輔築郊勞臺先生爲賦樂歌大書其
上復爲良鄉居民賈戶作凱旋榜帖千餘幅一夕
立就其敏如此詩文宏博浩瀚縱其力之所至而
一軌于正當世誦其詩者至推爲乾隆朝一大宗
盛矣哉世傳先生爲南嶽毘盧洞僧後之家傳及

方志皆然殆非誣也余輯陶園詩爲三卷證之曰

陶園詩老與吾友礪東並稱天下後世當有公論

也湖潭縣志九鉞父垣禱於南嶽而生九鉞七

師之甚也因出句屬對曰心通白藕九鉞應聲曰

舌湧清蓮僧大駭鳴鐘聚徒衆膜拜曰先師闕寂

時留此偶句云後有對者卽我後身今卽君前生

非吾師而何後九鉞老且病一日其子世津自外

入瞥見其父脫儒冠出懷中僧帽戴之飄然而去

追之不及亟入省視九鉞伏枕如故惟口吟云擔

柴運米百無能自讀楞嚴自翦鐙夜半萬緣鐘打

盡前身南嶽一枯僧遂卒長洲吳雲玉松陶園詩

序云先生之詩騰天潛淵陽開陰闔性靈清灑才

氣旁魄其力無所不到各體俱極精能當爲乾隆

時一大宗鍾祥李潢雲門序云先生學邃而才肆

當夫興酣落筆凡少陵之沈鬱昌黎之古奧王孟

之幽深溫李之豔麗以及長吉之險玉川之奇靡

不裕釋奔騰齊赴腕下然而先生不自知也力之

所至而筆至焉力之所不至而筆亦至焉嗜其神

矣金匱揚芳燦蓉裳序云徒觀其筆酣興健魂詭

萬變特動簡外氣凌區中奇光霞摘逸思雲涌舞
蒼虎鳳鷲鳴韶馥馥高騁翼厲勁出橫貫如崑邱元
圃積玉相照景山鄧林凡木不植就末學膚受
所能窺測者其清壯恠偉已足驚爆一世矣

文德關

險境如夢幻縹渺爭前陳山風吹重關蕭蕭怨行人撲面
白虹垂梯空上層雲蒼鷲慘毒雨飛閣攢荒雲分寸不可
接車馬皆嶙峋揮刀踏天穿一門懸無垠朱崖垂夏木錦
湍界修筠側目陰雪寒冥冥多鬼神憑高視九溪但有飛
鳥羣大哉真宰功劃崩啟鮮新惟王修在德勢與造化均
遂茲鏘馬同疊嶂同夷津勒銘思班掾棄繻效終軍諸彝
慎勿驕地險安可論

從大栗關行至便水驛

客身與歸鴉相逐青天飛小栗復大栗接軫闌嶮巖關深
毒鳥多風寒猛虎飢日落萬山中化爲煙霏霏麗譙出荒
景倒挂枯櫟威哀角咽不高行人慘相依蠻江動其下濤
聲發迅機收蹶攝虛無側身防曲碕時有兩三家松鐙漏
柴扉疏星翻前汀明月隱半圍流螢導我前花香亦微微
寺鐘散林杪候吏嗟已稀絕境那可溯白露沾人衣

牟珠洞

行路日苦長選勝日苦減古洞多幽姿遠入信怪膽磴深
鬼嬉遊窟坼天下瞰冰柱無寸膚萬古黝不斬炎堠撐軸
脈老遊寒慘慘乳牀垂玲瓏浮圖倒驚徹金碧時動搖環
環吐苗苗清氛透顏色衣裳盡蕭蕭濕聲衝急弩從此襲

今坎神鉤九地底身寄百蠻領告歸險有窮鼓勇余尙敢
重來是何時西風吹橄欖

打鐵關

湯湯牂牁流沸沸戎州雲岌岌關門懸慘慘戍旗翻焦煙
起渴石毒雨蒸青蘋微風不動搖瘴大如車輪膠木鬢高
天含蠱迷厚坤四顧但寂寥鳴蟬時一聞長安九衢直驟
裏連香茵紅塵雖云多赫赫要路津胡爲厭婁鯖茫然入
炎氛無以答僕夫狂歌聲自吞

西林渡

黑蜩愀然號急雨收炎界山翻諸部深江湧百蠻怪熱霧
蒸蒼黃飛翼墮精快楓催洞口裂石頽驛門大雨霽江亦

平岸夾柳相對漁舟繫亂花榜人踏清黛開道自相國用
避鐵橋害垣夷歌商旅馳騁利邊塞歌琴讀豐碑清淚瀉
如瀨九原如可作千古仰隨會自注舊路由鐵索橋關索
嶺極險鄂西林相公制澳
時開此行人德
之故名西林渡

簡古關

雨過青氛多天地生古姿蟬鳴太谷深白雲交樹垂俯視
入無際黝然躡虛危連嶺壓其上濃翠涵我衣到關更曠
夙角鬣笑怒熊遠矚巖阿中諸苗自成籬蝶裙唱獾歌口
琴罷柴吹萬物各有維豐樂皆天慈苟能適其安禽獮亦
何爲

斗郎箒

斗節簪沈沈石角西南聳羣木錯朝昏
萬怪生鴻洞毒嵐狀非一炎日出石
剪巨瀑排巖開聲挾盤江動地維不可
窮天險誰自鞏班班搖虹梯索索破蟻
冢不知攀緣苦忽訝羣山湧長風鬱律
來千里浩呼洵王師昔討逆聞道越巖
嵒收疆不血刃入甸盡震恐皇威鏖屬
嶂百年等秦隴欲作劍閣銘材薄自惕
悚

小斗郎

乘虛入無垠落落眺遠天豈知青冥上
復有烏道懸透迤出詰曲茂林迺蒼然
雖嗟昆躡山暫得所歷妍崇蘭被坂
深篔竹嵌石穿其上多宿雲其下流紅
泉亭午日出壁猿嘑破蒼煙時見虛靄
中茅茨露兩椽散徙成亭側煮茗聊

一江初漲逆披關嶺斷纜索橋以阻我師
別由毛口渡盤江越此嶺直趨平田雍正八年
開此路

響水巖

神仙豈無居鑿此絕壁險長流削瘦根萬劫青剝剝聲與
風鬪于勢借雲飄颻欄楯態各殊鈎梯失忽奄無垠或微
茫有地自舒斂煙霜雖剝落上下靜可點微雨洗竹色翡翠
破澹澈頗聞雞犬呼鐙火夜睽睽蟹樓在人間桃源境
空掩斜陽戀去帆一一金碧閃

清浪灘

旅魂飄無時况迺絕險當江身無寸波石勢排堂皇大象
羣嬉遊頭角迷昂昂稍覺露餘衿迅流遂湯湯衆鬼各招

人快此幽窟藏砮崖綫縷垂駭聲走雷碩激轉旻天輪爭
回薄初陽餘怒噴倒灑流膏或丹黃時見雙翠鳥翩翩導
帆檣岸有新息候靈旗紛颿颿回風坎壘鼓散落如飛霜
溪毛奉明誠神其遙相望

甕子洞

枕上聞鶯濤招呼走大漩披衣不敢停劈雪入萬箭陰崖
天關交石截怒江面聲吹九地轉勢激百靈戰簸蕩得軒
騰羽翼生暝眴耳迷雷霆爭手擲兕獅刺茫茫洪荒風吹
出客一綫厓隙多呼號鐵索苦攀牽匍匐乞性命吐沒歐
荷見遲速向地形勢遙理則半勺爲翦紙錢浮生荷天眷

漁網溪

重灘盡朗州江秀山遠青迴溪深彎環一峯峙柱形冰霜
削寸膚日月扶孤撐上有萬年樹融液舒其英潭潭翠不
流合踏搖空明板屋百餘家隱見雞犬聲春風微暄入芳
芷無言生欲洗磊砢胸靜讀南華經祇恐漁郎笑不得秦
人迎桃源在咫尺吾思挈舟行

襟爽軒新霽

有序

予署中西軒落成召僚佐小飲看軍山因顏其軒曰襟
爽

軍山如飛來綠我江上城紅日一萬家浩浩皆春聲民甦
吏乃靜吾軒亦落成何以答神庥潔此樽中醒花閒雜賓
從雅歌謝筭笙剗然巖壑開好鳥鳴嚶嚶名山錫清俸天

地憐浮生雲霞作新交爽氣相逢迎頗聞中峯頂一俯章
頁平更當荷長纜同作采藥行

宿章山寺

出城忘近遠稍愜吏懷靜夕陽下章山到寺忽已暝江清
霜氣厚月澹孤天定經聲若無人落葉出幽聽之子非夙
期載酒作選勝同爲索米客尙守舊鐙檠中宵寂言辭於
子落苔徑亦知禪味薄但乞瞿曇證流泉入戶牖星斗下
天鏡勿驚馴鹿眠相別在風磬

望麻姑山

自注麻姑山卽蔡經
舊宅廣四百餘里

夜飲麻姑酒朝望麻姑壇山氣作清秋變化非一端煙嵐
枕秀水風露澄早寒深疑取逕絕關迺得勢寬屏此吁江

流彩虹交鬱盤城郭天鏡中濃作酒色看祇疑神功泉仙
乳流霞丹不知碧桃花至今猶未殘吳門事杳然誰贈麟
脯餐蓬萊幾清淺吾思問青鸞

登從姑山

麻姑與從姑隔水可呼應似對洗頭盆同開碧玉鏡豈無
邢尹分恐是魯衛媵座吹弟子笙樂奏侍女磬迺知造化
巧用意在幽境循得一綫天宛轉出織磴殘日青蓮香秋
風藥苗盛仙壇見千峯遙鬢更鮮靚指點華子谷恂恍雲
關徑常尋謝公屐尋源攬其勝

振災籙

有序

濱彭蠡洲渚民築圩爲田乾隆丁亥夏秋之交積潦衝

決傷禾稼中丞以聞荷蒙振卹自勘災迄普振凡六
閱月戴事追思致災有由備患宜早作詩六章用自紀
焉

彭蠡瀦東南上曰敷淺原塗泥皆膏腴包洲爲隄閘亦有
薄租稅亦有高里門但貧魚稻多甯計畚築繁覆載本無
私霍潦偶孔昏洪波亦不戒汨溢蛟龍吞既少倉廩儲况
乏竹木槌利害相倚伏蚩蚩味其源所幸以偏災飲食仰
國恩

民飢在波濤吏飽坐堂廡藉曰獄訟繁何以對肺腑分官
臥嬾蓋遺隸助翼虎豈無舊冊稽常恐影射苦何如遵履
畝瘡痍手摩撫愿者各沾漑黠者孰予侮但屏騎從驚一

葉渺空清蚊窟與鯨鄉歷之若庭宇風蒸與日炙受之若涼雨

皇心調玉燭宵旰念八方痼瘵一上聞惠澤下九閭區區我偏隅稊米出太倉天膏不少屯慎毋去其鄉豐歉事俱然所重耕與桑勉爲太平民其氣常揚揚

孰爲我嬰兒孰爲汝慈母老幼牽吏衣曉笑望哺乳不食已三日顧之涕如雨聊傾貧吏囊暫充汝嚮釜敢云吏所私仍是君祿縉不職以致斯俯仰慙對汝

小魚戀煦沫伺之者鶴鶴哀鴻霑稻梁旁有狙鷹攫一圩一長踞一圩一隸嚼此輩懲爲貴危哉民食奪戶口旣侵漁雞豕苦烹捉窮民嗷嗷嗟不得分升甬迫之旨死控讞

張咎俗薄休嗟民不仁吏自傷毒蠱刈莠長嘉禾毋使禾
根削璞玉在崑岡毋使石同灼

寒風縮湖波煙火茅茨高雞犬飽嬉隄婦子傾新醪飛符
集番鋪伐鉦復鼓警雖云息老物安可事逍遙明年歲困
穀土脉早發膏防患豫綢繆天和迎以勞 皇恩雖寬大
未忍長倖邀視彼知風鵲各以營其巢

懷古

粲粲元道州折節讀異書辭官猗玕洞再把瀼溪鋤詰屈
誥與盤老氣不可除挺立開元中李杜相騰挈扁舟入九
疑結宅臨清渚雲山韶濩音寫付湘中漁漫士非浪官歌
行變雅餘五十作窳樽冰雪爲襟裾誰知入州使樊上舊

酒徒

石壁俯太湖

尋花無遠近以意順所適石壁摩空青太古氣不滌翠綠
憩豆房指點露漁宅松拏虬螭形磴拾麋麕跡躡石身欲
飛其下沈沈黑狂歌具區來洗盡美人色秋風一搖之吳
楚浩一自我行將有期躡臂坐地席殘樽向泥飲白髮良
足惜茶竈陸天隨蝦菜范少伯誰乞五湖長念此山中客

望九疑山

九疑南戒雄祝融之館邸橫開朱鳥陣遙亘中原紀羣峯
列兒孫五嶺入鞭箠合沓難具窮愴怳忽不倚手把蒼梧
雲散作江漢水長風蕩暑門秋氣破漲海石樓揖羅浮玉

女媧如洗卉木五腐蔽二儀錯光晷頗聞天池上噴沫無
停軌仙雁一飛來兮黃接濛汜中有虞時氛太古未開啟
何況秦與漢敢置偏師壘珠邱何岩堯六龍望以竣冥冥
簫韶聲煙雨愁帝子

海陽山尋湘源作

湘人五十載未得尋湘源扁舟及秋來我心矢不讓海陽
稱輿府勢揖朱陵尊嵐木密鬱蔚香草秀而替有時作雷
雨滃淖迷朝昏遐討遂清遊逸興資騰騫其地應離明山
氣和且溫盈科僅濫觴渤澥若吐吞天漿澗不竭珠璣勇
爭翻終古一瑤池七澤歸胚渾萬類日卷舒湘靈澹無言
何時史郡監開渠立斗門分流走炎洲南北行蜿蜿勿言

相離苦神用承坤元大哉德悠長飲食荷至恩禮重祭先
河藻蒲忠信存回塘菉竹淨丹旗揚續緇白雲滿去帆贈
我新蘭蓀

同耿湘門馮箕邨坐五仙觀望懷聖寺塔

坡山不在高江遠得空霽一葉澹初黃秋風古門閉盤梯
上圭壁挈伴穿薜荔楚庭五冠裳遺像執香穗神瓶各戢
戢躡踏摩沈翠云茲兆豐稔牲醪每陳酌小樓霽然開城
煙散無際番塔何輪囷竿杠獨邇偈蕩空激颺輪收斧避
雷勢金雞不歸來萬劫自委蛻遂與禁鐘樓恂悅爭地竄
巨人脚跡雷闐闐神仙地陰房竄蒼颯溼壁走牡蠣欲下
愁鐘聲卻立塞長袂

案陶園文集有長沙耿湘門素舫齋詩集序稱其
早棄舉于業北走燕東之白下錢塘晚客廣州天
下讀其詩者如虎豹在山蛟龍在淵隱然有奇偉
非常之想於嶺南嶠北間按湘門不知何許人陶
園此序推尊甚至其兄曰憲侯亦有名今長沙耿
姓甚少欲求其名不可得况著作耶是可歎也

越王臺

北登呼鸞道直俯南粵宮古木多斜陽蕭蕭起悲風一尉
興龍川絕道除秦凶象郡衆豪傑俛首效知忠擁兵觀逐
鹿帝號娛南中不有漢高皇安知非沛豐兩見陸大夫豁
達露其胸天子詔至誠老臣辭溫恭千古越文章淳樸開
正宗振衣升固岡海色青濛濛翹首望中原佳氣何鬱蔥
田橫五百人一島笑不終度德識時務兩者真英雄秘墓
無雞鳴天佑保疆功順逆殊昌亡遺憾殺終童戈船下含

滙阻阨昔置術始知霸才大耳餘何其庸長沙有番君河
西有竇融吳越有錢鏐富貴迺保躬嗤彼南漢兒蠢蠢徒
沙蟲

蓮花嶺

自注國初莽大將軍破
逆賊馬二寶胡國柱處

晨登迺仙關遙望韶陽城韶城盡陰屋雲霧連空冥聳爲
蓮花山呼洵連荆衡我朝莽鎮南赴險衝敵旌孤懸五百
卒欲食鯢與鯨賊用革梯樹俯瞰勢狎猶將軍登陴嘯草
木皆勁兵梟賊以長矛屋瓦無震驚重圍匝三月賊膽剝
且傾大師從北來萬刀斫其營血作瀆水流蕭蕭不聞聲
完土歸天子海颺永以甯賊盡將軍逝慘戚落犬星豈徒
銘旂常巷哭如父兄徘徊塵戰地山石生精靈寒鴉渺渺

飛落呂江氣平

小河司感舊

明季覆金鏡海宇煙塵昏赤眉與銅馬熾焰空襲樊吾祖
起偏裨從戎小河濱連營方募食賊附若蟻屯怒揮長刀
躍赴賊斫之奔腰環十數願洗刀挂轅門去時酒尙熱大
叫盡一樽秋風吹白波碧草搖朝曦事已付劫灰名猶耳
目新敢云述祖德作詩貽子孫

次廣水晚望古三關

天下有九塞其一曰冥阨遙分雍梁絡直貫淮潁脊連峯
排霄鬱律皆精魄卉木錯畫昏怪雲滃紫黑散爲羣川
流吐吸荆豫白背楚設地險北門壯申息急則憑要害大

遂直轍塞梁魏守三關韋虎長墜扼萑苻今不驚列成終
咽隘斜暉一遙望莽嶮入胸臆除惡防萌芽歐脫豈離邊
誰司保障者曆火戒無斃

聞嶺上梅花盛開由小嶺宿紅梅村

東風從何來已被南枝春不知花遠近但與煙嵐親穿掛
玉璫瓏亂點紅璫璘蒼天鏡沙水四照彌鮮新百年一蓮
盪碌碌嗟蹶輪安知鴻洞中旁有梅花鄰扶疏二百株其
下皆香民把酒愛斜陽獨脫烏角巾避喧宿茅庵山月資
清眞何必夢羅浮浩歌答美人

靈石山 有序

利水戍下里許有石巖濱江高削不如觀音巖彈子磯

而奇秀過之水經注載利水經靈石下一名逃石高三
十丈廣圍五百丈耆舊傳言石本桂陽迅雷一夜遷此
故名逃石又名靈石臨江壁立霞駁若潰利水又南注
東江以地理考之疑卽此地自來吟詠不及紀以一詩
用俟來者

徒觀韶石奇未測靈石狀今農出眼底鄙註豈我詎壁身
洗霞駿天而鏤鬼匠樊桐梯無垠道子圖變相十萬青玉
株五百錦步障中含太古雲夕照色新拗利溪挾瀆水潭
潭不流宥衝風入巖窾鏗鏘互鼓蕩半江紅杜鵑翡翠破
春漲逃徒自何代其事頗誕妄浩劫消吾曹耳目易清曠
三復耆舊傳臨去更惆悵

謁昌黎先生祠

我攜萬古心浩蕩登東峯仰瞻韓公祠晴雲白蒙茸椽木
春無花空庭偃蒼龍開闢有日月挂在唐時松一山自雄
長衆嶺皆附庸公昔騎麒麟辭帝蓬萊宮手提元氣來青
天驅祝融蕩滌蛟鱷腥始觀乾坤容海水簸南珠明堂振
笙鏞惜哉區冊輩難逐籍混蹤平生一瓣香鬱此百怪胸
憾不入荒外霞珮隨璫瑤百川挾狂瀾滔滔正赴東四顧
立莓苔憂來但懔懔

將歸湘中留別吳椽郎

薄霰恐行帆桃花漸消凍春風一鷺至已綠垂楊葉不怨
歸程遲但惜故人重愛子兩卷詩遙情溯雅頌寥寥孟與

韋堅屢摩欲勸卓樞困神駒飢鴟嚇孤鳳世事盡爲容文
吏方足用子其慎所投荆璞謝磨礪朝詠木棉英夕聽文
禽弄美人隔秋水終爲玉堂貢孤鴻飛冥冥仰見天宇空
躬耕少薄田藏書乏古洞休相憶蹤跡差免在羈空萬古
此明月還期一樽共

案椽材名萊尊會稽人客粵最久與臨川李松甫
比部交摯所稱羣應吟侶九家之一也往歲其邑
子宗海樓舍人結辰以書抵松翁求刻其集松翁
轉慮余剛定余爲之編次作序寄去未幾而松翁
歸道山此書遂不知何往比舍人屢以書來
問余無以答慚負而已因輯陶園詩而及之

大廟峽

眺辭中宿來潮作故人別自注潮至中宿則不上煙水似瀟湘空濛
入微月凌晨聞呼叫推枕走蹶躡仰而插危峯摩天一萬

鐵怪流踏鼉盪淺草走雉鷲是日霜氣淨寒颺駭撞拙眠
羊與狎獅大小嬉怒雪恍見虞夫人手搥仇頭截眾嶺鬱
殷紫江流半香血花竿出揚揚飛簷老楮齧沙戟沈難覓
溪毛薦猶潔綠竹環澄灣晨炊膾新設坐看峽山秀地險
變旅悅回首一雲橫去纜未忍綫

香爐峽

粵山冬不凋飽霜碧璘峒澹靄從南來萬峯皆初春香爐
秀如削屹立瀕江濱上覆九光霞下泄四時雲衆勢互回
合清響垂瀑紳修竹未知曙炊煙始有人客纜松下牽僧
路巢邊馴漸開山鳩唳翠巖落紛紛波影披長天峽門倒
溪澗榜歌一以動空水涵鮮新昔攀匡廬峯爽氣入笥巾

邢尹今有殊佳境多靈因坐餐蛾眉綠靜變牛毛皺愧無
謝客詩雕鏤傷其真

瀕陽峽

滌舟含匡關已駭峽形壯連峯排南嶠白日失遙曠遲回
入硤角石鬪舟不讓十萬青琅玕五百錦步障羅以太古
雲秀詭非一狀造化豈鏡刻母乃夸娥掬至暮作雨飛淅
煙各沆碭黃芽莽迷惘哀猿噤相向坤維有軸柱水府失
龍象沈沈潭不流杻鎖久惆悵稍入盤渦急勢爭百雲上
買舟裝河峩撒漩得情暢炎洲非甌脫頃息走帷帳嗟彼
絕道人尋阨置戍妾老爲瘴海客遐境符所向魄力化夙
繁文章悟新匠但無赤松壇和彼列仙唱板屋閃漁燈翡翠

翠鳴一桁暫投釣臺泊布帆信無恙明晨展篷窗更看北
來嶂

贈按察司僉事鐵嶺李公殉節詩

有序

公諱向禹鐵嶺人順治初年令陵川值大同逆將姜壤
叛兵臨城下公竭力守城城破被執百計誘降不屈死
之妻王恭人與二女一婢皆自縊以殉死後八年邑令
鄆城黃君國璨上其事 詔贈按察司僉事蔭一子入
監讀書崇祀名宦祠

原草何蕭蕭白楊生悲風中有殉節人曰鐵嶺李公國初
率陵川逆壤變大同駭難連榆林突豕窺山東攔然登陣
守奮呼當其衝左手挾勁矢右手挽強弓塵腥天爲黃旌

旌慘不紅城破賊得之瞋目裂背瞳虎狼不敢噬百計誘
使從嚼齒嘯嗔急甘蹈百刃鋒血灑九千仞高蟠太行虹
其妻王恭人促夫力保孀是日攜二女効命閨房中烏鳶
慘不下香練飛長空妖星旋撲滅烈事泣婦值新尹亭昇
平誰能表孤忠八年鄆城賢以狀上禮宗 褒卹紛綸加
錦冊蟠螭龍繡衣擲豸冠翠羽璫瓏瑤生爲百城長死作
萬鬼雄隻手弱書生殺賊安有功肝腦與城碎光焰七尺
躬庶爲不負 恩廟祀當無窮作詩闡千秋用勵頑懦衷

自注公殉難事 聞朝廷祀公名
官褒恭人二子皆有卹子有傳

什谷

自注什谷在
五津口

雪盡洛波澄驢背大河出彌望五社津剡剡麥抽日頻年

赤地燠過客心怵慄茲晨好風光婦子嬉土室平生萬里
人遊事老未非謀生尙鹵莽躬耕乏尊壹煦沫詎足戀勞
心亦宜恤不待思尊鱸誓將返蓬華回頭語兒童新學祝

雞術

自注時津
兒至洛

廣武山

自注卽楚漢相拒處
在滎澤縣古河陰地

黃河挾沁流浩洶欲走南廣武扼東之巘伏無敢貪三皇
連京索峯銳攢劍鐔犬牙望砥柱倚角爭峭函前臨龍戰
塲中作虎穴探迤邐成臯坂綫縷深斲斲車不得方軌詎
可施雨膠包羅地昏黃碎圻天蔚藍往來互叫嘯崖草風
飈飈如風鬪勇勝比螺吐甲含鬼窟愁詰曲雷鼓駭嶽巖
賊郭隨勢緣亂插碧玉簪其頂平疇多麥氣蒸春嵐天險

地腴雨兼信無慚古之英雄人老謀敵乃據高據天下
勞饒首皆子男喘彼鴻溝割都雍恃章邯

敖山

自注秦時敖氏築倉於上
漢初據敖庚之粟卽此

奈之敖山粟隋之興洛倉聚而不知散徒以資敵糧我過
放山下劉項與興亡據粟包甬道右臂斷滎陽關中得給
食轉戰軍益強茲倉本敖氏得毋暴君攘築城以築怨焉
得同金湯又聞宣曲吏乘時厚窖藏金玉收羣豪四野飽
宿張富人國元氣自古不可傷緩急備有用官師慎無忘

圃田

白注中牟西北周職方
豫州數曰圃田卽此

職方豫州藪厥惟圃田澤十藪列爾雅雲夢具區埒甫草
蕃周狩原圃壯鄴國入澤廿二陂潏沔裴河色茲地近滎

陽濟水溢自昔伏現雖不常泉源濬可力誰將禹功壤
渠鴻溝圻漢關汴流境宋漕通南北黃河遂衝突風沙變
淳斥中餘蹶溇微日夜鳴灑灑偉哉中丞公自注秋帆先
生撫豫奏開
渠河商民侵之商胥心賈魯跡深浚萑荇溝廣搜旃然脈旣疏支節
塞復解咽喉隘商船走毫末挹注無離邊水利民命資膏
血寶涓滴春冰碧瑤漸新柳布帆直野趣信可耽扶欄坐
盤石

兒世滂以藩參軍赴黔中示之以詩

寒風征馬嘶雪霽洛陽陌送兒西南行我轍亦向北有家
無計歸萍梗各爲客微官便省親快聚情誠得牽衣休踟
躕此去宜努力黔中我舊遊三十六亭驛來往諳土風約

略述邊冊其一為蠻夷叢箐聚窟宅刀耕而火耨草衣而
 木食此輩素恭順輸納遵符籍狡焉漢奸入連雞煽助逆
 裔獮草薶餘久已繁滋息孰非天蒸民孰非國蒼赤禁
 昔晉役擾使彼事耕織其一為逋逃四省錯疆域山林
 脫中山入幻不測治卒與療丁豈無私溢額恐竄入嗣溪
 更潛肆毒蠶當循保甲法使不得藏匿其一為坑鑛三品
 宜充斥鼓鑄資司農採辦况絡繹其他遠商車利亦筭緡
 獲嚴以防影射覽以慰離邊毋貪潤脂膏家世守清白三
 者為綱頡餘事細考覈儻能荷驅使前箸可請借音積方伯
 仁和公藝林文章傑溫良富評謨鎮靜揚威德汝獲侍左
 右弱植附松栢勤勞酬禮遇方不愧慕職同寅宜協恭遇

事戒粉飾鋒鋷露必缺古云謙受益汝兄相隨往飛鴻整
羽翼毋櫻溫清念有弟奉朝夕七十予始壯飲啖雄猶昔
名山多夙緣處處待履舄經術老猶勤未盡文字役觀政
有暇來再題飛雲壁

靈槎樓歌爲王生湘南作

有序

靈槎樓在澄海縣署前康熙乙丑七月七日余邑王山
長先生宰是邑時有巨木自海上浮來長七丈圍一丈
二尺中空一丈餘類槎形不知何木先生作浮槎賦名
人皆爲詩紀見了庵文集與澄海志中先生庀木建樓
名曰靈槎宏麗甲海上湘南先生之孫余姨堵也訪余
於海上過澄海登樓謁先生主歸請余爲歌以紀其事

王郎昨登靈槎樓歸來索我靈槎詩浮槎之賦我讀七十載茲樓朝夕恂恂欲登之吁咄哉此槎吾不知其生幾萬載來幾萬里或爲崑崙九櫛之木或爲扶桑十日之枝上帝旣命雲斤與月斧誰令瑤宮璇室失此棟梁姿翻然騰擲作散木鴟鴞嬉遊南溟池九年稽天洪水漂不沒四萬沃焦轉泄無由施其放浪也如此胡爲泥沙束縛偃臥窮海湄吁嗟哉此槎來以七夕期漢使不敢乘羽客不敢騎左挾陽侯右馮夷大荒蠶菌蒼龍皮三千水犀縮手望馬人蟹戶願睥眄瑯琊先生見嗟咨牽入堂下行躩踞命呼巨刃爲攻治此槎俛首就繩尺一洗洪濛鬱律之氣何淋漓吾聞茲樓崛起雄炎陲光怪儻忽神所司前攬珠崖象

郡之浩渺後控七閩五嶺之蔽虧天孫驅河洗沆漜七襄
織錦羅罔恩三山搖搖駕六柱闌干翬首飛參差斜陽倒
影珊瑚樹蔚藍一髮紅琉璃長虹盡埽颶母死鼙鼓不動
天垂旗先生才大官且卑苦吟瘴溼愁低眉一朝雙鳥踏
樓去翻然披髮騎文麒士民望之猶下拜四時元馭來棲
遲我爲先生鄉後進望而不見爲涕洟郎今南來貧且羈
俛仰祖德奠一卮且須更讀靈槎賦慎勿愁賦登樓辭咄
哉此槎何以爲古來材大難爲用不見杜陵老柏鬱鬱歌
且悲

和吳橡村趙忠毅公東方未明硯詩

有引

硯銘東方未明太白睽睽雞三號更五點今日入朝擊

大闢事成惟汝功不成隨我貶三十一字

趙公東方未明硯我讀君詩憾未見君詩古藻何紛披我
如啟篋摩挲之鋤豳擊闌風雷震硯兮鬱怒欲同殉太白
星光睽睽垂隕糜焰起鬢眉奮我謂硯兮非石質尙方劍
與司農笏彌邪凜凜競文羊指佞森森愁屈軼直令宵黨
夜悲嘯委鬼茄花膽皆裂大臣去國事何常硯果并州件
儼裝壯哉一疏畱正氣此功亦足侯墨鄉雞號更盡私朝
始賀冊頌章紛義子豈無風味鸚鵡睛挽竭天河羞不洗
何如此硯材堅果擇福能同正人禍三十一字銘欵寄味
藁齋中惜包裹高邑精神未消蝕此硯傳流入誰宅但使
常畱天地閒綈錦文壇誰敢褻君不見玉帶生飄零吳下

依何人秀水朱生作歌後文山手澤今猶新如今風雨鱖
潮夜搏得君詩亦有神

張文獻公嶺路手植松歌

曲江相公風度不得見見此官道之喬松或如明堂清廟
端拱奉璋立或如三公論道揖讓來雍容或如垂紳正笏
侃侃定大策或如摧斲折佞凜凜無阿從使人對之肅且
恭公昔經營闢炎嶠庾公揮斧臺侯埽手提中原兩曜來
長照巒方天地曉而復植此青琅玕連崖接阜互繚繞銀
河下與剡神漿鬼神盤踞爲天矯扶輿磅礴之正氣來往
古今不知老松乎迺能若茲雄蟠挈絕壁無寸土厚力直
亘丹霄雄長虹衙衙一萬丈倒吸海水成蒼龍怒雷夜吼

鉢泉鱗虎魄驚走仙犬紅行空百里不見日祇以一綫青
冥風關門訇然開兩扇五湖九澤連濛濛其餘臨水亦殊
絕遠近參差互明滅八方亭子洗嵐光穿出玲瓏翠天穴
滇溪磨憂各礮衝金桂背前捲晴雪樓船將軍伐鼓歸梅
花亂點妝樓衣一聲元鶴落仙粒紅雨散滿南溟飛我公
已去千餘年松乎矗立何蕭然長隨五馬擁阜蓋時拂入
騶迎絳旃奚兒彎弓射鹿走掉頭一躍珊瑚鞭惟有行人
官道上猶記開元舊丞相憩坐徐聞竽籟鳴摩挲共訝精
靈狀武侯古柏萊公竹偶然愛惜猶持握險阻山川就坦
夷光華事業留亭屋孰謂純臣慘澹心不在森森一喬木
松乎松乎當思造化之奇功長與我公勁節相始終如今

存者三十餘株耳母令衝颺劫火日相窺伺臺岡中

嶺路松爲風雨拔一株悵然賦此

三更風雨浩呼洶老松仆關關欲動百尺沈沈臥糞髯敗
鱗殘甲漫天湧大枝鬱怒不肯伏力敵颺衝思奮勇小枝
昂首出泥沙欲訴青冥還惕悚相公手種三百株至今存
者三十餘吏人立石防剝削山鬼挑燈夜叫呼洗夫人祠
一翠幹停車不厭千回看祝此摧傷豈有因嶺雲海日皆
栖斷螻蟻焉能壞香穴雷霆豈有噴奇節正直終須神叢
呵精靈或恐山川褻工師縮手目愁注拋向長潭委煙霧
中宵彷彿相公來騎作蒼龍朝帝去

歲暮行

歲云暮矣役不休老之將至多離憂北風怒號欲作雪昨
日今日江猿愁去年湖漢水盡涸高檣大艫行阻修今年
贛石灘十八欲山歎野漫漫流崑崙天柱孰可測虎牙中
人如戈矛黃鵠六翼遊江海白鷓伺之搯其喉祥鸞歛鴉
雨不辨鷓嚇腐鼠卑可羞黃雀得計驕毛羽巢堂入幕鳴
啁啾男兒不得行權謀無田可耕地可耰只合彈鋏行九
州不然弋獵西山頭灘兮灘兮良亦得我今浩蕩隨鳧鷖
謁郝文忠公家祠示其裔孫秀才棠

吾不知太行元氣何起復何止靈娥移不開神禹鑿不死
鬱蒸磅礴幾千年迺令郝公愛之起陵川郝公家住太行
青嶺書鐵佛雄燕國九千四百八十仞元精耿耿貫天峻

寫爲深醇博大之文章生掣麒麟翳鳳皇宗工冠代開矩

矚其後始有虞揭與柳黃宋家無罪不可伐生靈塗炭何

時歇請使乾坤鑒苦心移文神鬼同悲怛手提藜杖珊瑚

紅飄然鶴背騎天風

自注藜杖公傳家物有藜杖詩

至今畫圖紛赫奕虎

符金印乘花驄木棉姦鬼何足數李瓊報怨借刀斧墜墉

術棘天何爲鬻雪吞氈孰敢侮十六春秋鐵石身卓矣太

行孤砥柱天教蠟帛中原達白首歸持子卿節著書百卷

壓輶車滴盡纍臣臆中血我昔遊眞州弔公忠湧新營之

館樓夢中瓊花一萬片仙雲猶落長江流

自注公在眞州有夢瓊花詩

今來陵川城搥衣謁家祠白楊灑雨雙屹嶮神門白日蟠

蛟螭思其清塵望弗及惟有太白凜凜祠前立棣華堂香

菴鶴落雁池碧汪濊裔孫揖客挾巾箱也似荷衣初出拜
大儒包孕焉有窮長與太行作華蓋遺山學士去無跡鶴
鳴老人招不得狂歌寫壁公應聞知余亦是太行客

壺關三老故里漢三老令狐茂葬此舊在崇賢村嘗
上書明戾太子冤

龍華門鬼帶劍入繡衣趙虜治蠱急紛紛妖氣亂前星禁
兵小弄吞聲泣上書誰伏建章宮令狐三老壺關雄高廟
神靈先教汝田閒來此白頭翁君王雖悟獄未息泉鳩血
鬱湖城碧飢魂不上望思臺滅族焚稿竟何益可憐丞相
富民候一言獨報田千秋

洛濱王氏別業九九山房歌題壁卽示塾師張生式

訓

洛陽名園係盛衰書生之論何太卑農桑國家大根本分
編畫井猶畱貽公田私田有限制豈敢攘奪爲亭池崇貧
府怨淫土木鋪張弊俗奚以爲東都膏腴始天地姬公宅
中民其又陰陽風雨籌會和豈爲季世遊觀計漢家苑囿
妨農功主第王莊踵增麗後來袤廣三川閒盡興營建田
廬廢民游土曠盜賊滋一例榛蕪誰敢唱我朝承平百
餘年濱伊夾洛咸陌阡近灘最沃號井地輓轡日夜看轉
旋縱橫溝洫交澍注每畝金錢四十千望之方罫錯錦繡
亦有果實垂華煙我來九九山房坐荆籬茆屋花環墮玉
篆青浮菜甲肥分行接畛無巡邏鴉聲輻輳車牙牛驢

荷尾如旋磨少室黃華隔岸來洛波綠淨不可唾荷衣子
弟抱冊多泉響書聲愜清課太平富國土中殊始知安靜
謨猷大昔人論政去害馬但順其常足田野近聞欲濬盤
水渠壅澗交流舊傾瀉得毋剗削傷耕鋤或致洪波亂關
搶太守理勘持論平勿勞民士憐孤寡自注有欲重開穀
以資早年灌注是時穀洛關及漢魏陽渠橋決之害激庵太守履勘詳議不行洛城民賴以安讀書努力
報昌期更語吾徒授經者

引河曲

河南州縣一百一今年分段挑引河黃符雷電旁午下車
馬馱負誰延俄歎山欲野丁役集鳧趨蟻附肩相摩平灘
關浦立廬柵萬籠駢列如星羅中宵鎚火二百里燭龍燒

焰逃龍鬣長天樹表紅旗插一望迢迢風獵颯小官走渴
大官來赤棒兩行分馭選揮長鑿兮舉短鍤高邪許兮低
和答濃雲屯陣合復開亂結晴霞錦重疊桴鼙飛迓各爭
先頃刻凌空阜岌岌愁泉泆水車翻前隊防他後隊壓
朱隄堆岸光纍纍程功奮取好男兒傳餐合食氣如虎小
飯大歡肥牛肌金堂貝闕在眼底安用鼙鼓頻催爲宿胥
長壽津如一醜口濬身能事畢碕岸何能觸怒威虹隄佇
見防奔軼昨朝使者下矇矓水調一聲順流疾合龍屈日
紛紛歸三川九塞生光輝敲鋤唱比鏡歌曲不是宣房瓠
子辭述之鄉里酌酒慶皇恩覆載無偏私新河從此安瀾
好爲語經營期及早刷沙排濶賈魯言遠慮深心非草草

治河當效靳文襄憂國精誠格蒼昊

合龍曲

自注睢州漫功後河南分段挑引河是月合龍

千金營一場萬金捲一埽鋪梢芟索重邱山貫竹纏麻力
騰趯縱橫長笈歷不掉壯夫躍起宣大號合龍嚴限霜降
晨是日下埽臨元臣揚旗轟礮插大鼓蒸徒叫呼霄漢聞
朱龍黃龍爭牽曳金龍執斧黃錦裙百靈効職自鼓舞何
須掌現藍將軍自注黃龍神廟旁祀一像貌猶而藍掌日藍將軍云下埽時身投埽口死龍卽合
河身十丈埽百丈霹靂爭馳迅湍讓衝風不燧霧不起一
塵狂蛟毒虯死新河透迤循深壑客水全消大潤卻羣星
湧下雲梯闕洪澤清淮皆束縛合龍兮合龍豈繫人力神
之助上公歸朝報天子龍神增祠額屢屢明年伏汛埽

不傷諸君努力爲隄防

拾棉曲二首 有引

三川棉花之利贏於粟麥拾棉日四野如雲儼入圖畫
洛俗許河北貧婦女拾其零星遺棄者近來頗成爭訟
官府設法逐之余因用張王樂府體作拾棉曲述土風
焉

孟冬朔日天暄和黃雲飛處棉桃多峭邨鞏洛五百里高

下原隰花駢羅種花早與清明近鋤花莫誤黃梅信打心

三伏去雄枝熟在霜前摘宜趁 自注種清明鋤黃梅打傾
心去雄枝見羣芳譜 傾

村婦女蓬頭出闌袋深筐急採將花繁露重指不停但畏

寒風催短日葛麻喜溼棉喜燥南北農家珍地寶洛陽女

沙津書有集 卷九十一
兒白鸚鵡機不羨松江說黃媪今秋棉花三倍前家家堆滿
黃金錢祝天明歲多春雨莫似枯焦辰巳年

拾棉野外來紛紛渡河婦女笑語羣儂家住在河陽縣土
不宜棉瘠又貧三川自昔稱花國斜坡狹澗多狼藉天公
衣被遍蒼生地主何須分畛域洛陽風淳人好義遺乘滯
穗寡婦利盈簷盈匊何足言尺寸絨紗皆活計相呼相喚
早渡河天寒日暮多風波無勞官府爲驅逐但願年年花
實多

羊報行 有序

羊報者黃河報汎水卒也河在臯蘭城西有鐵索船橋
橫亘兩岸立鐵柱刻痕尺寸以測水河水高鐵痕一寸

則中州水高一丈例用羊報先傳警汎其法以大羊空其腹密縫之浸以繖油令水不透選卒勇壯者縛羊背食不飢丸腰繫水籤數十至河南境緣溜擲之流如飛瞬息千里汎警時河卒操急舟於大溜俟之拾籤知水尺寸得豫備搶護至江南營并以舟飛邀報卒登岸解其縛人尙無恙賞白金五十兩酒食無算令乘車從容歸三月始達余聞而壯之作羊報行按此卽元世祖革囊遺法

報卒騎羊如騎龍黃河萬里驅長風雷霆兩耳雪一綫撇眼直到扶桑東鼉牙噴血蛟目紅攫之不敢疑仙童鬢卽出沒奮頭角迅疾豈數明駝雄河兵西望操飛舵羊報無

聲半空墮水籤落手不知驚一點掣天蒼鶴過繫工急埽
防尺寸榮陽頃刻江南近卒兮下羊氣猶騰遍身無一泥
沙印轅門黃金大如斗刀割幾肩馮沃酒回頭笑指河伯
遲濤頭方繞三門吼遣卒安車隴坂歸行程三月到柴扉
河橋東俯白浩浩羊兮鼓舞上天飛今年黃河秋汎平羊
報不下人不驚河隄官吏催笙鼓且餐爛胃烹肥豕

張義士殺虎歌

有引

義士鞏縣人名繼倫弟爲虎攫倫奮斧斫虎死救弟康
熙三十餘年事

山麻蕭蕭白日昏飢虎出吼振攫人村農倚壁叫號急虎
口呀呀據且蹲東來壯士競且武被髮大呼揮利斧眼中

兄弟不見虎虎撲撲之如撲鼠山搖撼快一擊陷腦碎
顛猛何益手從虎口提弟歸天清野曠腥風息慈母撫摩
賀客擁洗斧堂前堂欲動豈有神靈助疾威由來血性騰
奇勇留田之獸悲且鳴桓山之鳥不忍聽以茲愧彼無良
者早令繩面還搏磨逸事湮沈已百載羣人詩傳今猶在
秋燈鎧火燄純青羈客柔豪生異采冠而翼者胡爲乎孝
子順孫遭毒荼安得此輩盡驅除郊遊麟鳳山騶虞自注
前志
佚之余搜
出補入

永寧保城歌爲永寧令高式青妻錢塘趙氏承嬰募
勇保城作

我聞康熙丁酉宜陽賊西京永寧伏蘆澤高侯巡野敢擁

之寨中脅草招安檄是時洛西久太平金門白馬無戍兵

城中守妮四老卒里巷說言夜數驚

自注永安自廢金門白馬峭底諸戍後城

守無裨將丁酉宜陽賊亢挺平後始移嵩縣把總率兵四十名禦焉

縣君錢塘趙氏女膽知

深沈急區處千金懸賞保危城釵釧綺羅賤如土洛陽韋

袞儒生豪銜恩請奮同雷鑿更有駭雄曰韋六能挽強弩

連長稍縣君呼賜玻璃鍾出破寶劍雙蒼龍汝守府庫惟

汝功胸懷官印廳事東鞞刀帉首環家僮如坐大將武帳

中滿城肅習生英風城頭壯士揚旗鼓女几妖嵐收不吐

青天光光

去聲

日晶晶殺關蒯塞皆干櫓大軍四集攻賊塚

高侯投崖碎臂尻入營密告賊虛實聞道爭上擒猿猱功

過相當朝議正歸安職守矜殘命長歌壯士捧雕軒城市

無驚燈火盛曾摩廟峽虞妃碑會賦道州雲英祠可憐

婦錢塘返劉塢誰人奠一卮長沙太守平寇記未及保城

賢媛異翠箋螺墨淚如船白頭自寫含辛事自注作哀遺

卷沈吟七十載漏痕蠹粉猶騰彩我今爲作保城歌望輕

才薄將柰何吁嗟乎望輕才薄將柰何自注韋表雷蓋章

倉錢公汝寢以澠池令平賊擢長沙太守

書吳椽村沅州忠烈祠詩後

愁霖天埽開晨曦吳君來示神絃辭翠蕤雲旃出悅忽使
戎寇拜沅州祠滑臺偉人唐義士行閒如見眞鬢眉袖揮
金椎紫電掣鬼雄擁戟隨登陴峒酋膽喪鳥獸散此豈不
賴神扶持英魂毅魄在天下如水行地無已時頗聞上帝

特褒異賜以祝融朱鳥旗

自注見南嶽志

巖疆保障赫異代已足

快洗睢陽悲昔隨南八好男兒賀蘭筵上雙指封三十二
人殉城下碧血四湧奔虎貔嗟哉青史一脫略眞名本質
參差疑君能好古爲考訂兼獲衡陽題壁詩補之郡乘得
確據濡以大筆何淋漓前年溪蠻肆煽亂沅城咫尺無敢
竄得非威靈坐叱咤金戈鐵馬時驅馳方今秦蜀尙蟻聚
願神慷慨提陰師佐我 天子盡芟夷報功崇德無窮期

張鍋魁歌

有序

張鍋魁秦人鬻麴鍋魁於成都市以業爲名年三十許
爲征金川兵卒負糧赴軍營鬻酋四十餘從箚中突出
劫糧得衆卒將刃之鍋魁奪賊刀斫賊殆盡解衆縛縛

將聞其事報大將軍呼至帳中詢殺賊狀甚悉將官以
宮不肖予之金不受仍歸賣鍋魁成都市中崇甯米生
同客樂安述其事余壯之秦州仲松嵐官蜀時曾作詩
在廣陵以示余余乃作張鍋魁歌

張鍋魁賣鍋魁成都城家無妻孥身無名眾卒強徵之負
糧隨西征猥何羣蠻奴伺箐突赴之縛眾劫糧將屠之鍋
魁怒跳呼左手奪賊刀右手擲賊顛如風如電如霹靂賊
盡屍橫目光瞿白日爲破裂刀氣橫淋漓眾卒言感恩偏
裨言咄哉奇飛報大將軍呼使來頭無巾足無完扉偏袒
笑立不跪不揖口稱鍋魁刀躍躍猶溼將軍喜汝鍋魁汝
殺賊幾何報功勿遲迴大旗悠悠萬夫無語帳中秦聲青

天風雨鍋魁愚但知賊盡事了心快輕不知爲功不知數
賊顧腰環報大營將軍曰壯士吾當奏 天子宮汝千夫
長錫汝金滿筒錦袍具帶冠駿驥有妻羅敷秦氏女有牛
有馬有羊豕鍋魁愚不願官職不願金與銀但願放歸賣
鍋魁長作太平一細民將軍笑聽之鍋魁棄刀走不顧仍
挑鍋魁擔叫入長街深巷去賣鍋魁滿城聞之駭且疑士
民撫腰臂婦女看鬢眉咄哉奇備販二十年豈真有力如
虎貌鍋魁不讀書不識字忠義何由知 國家風化百餘
年激此鹵莽好男兒大牛噉芻豆不如一羸特鷄子飛上
天能擊巨鳥沒將軍班師入成都不聞張鍋魁呼但聞城
中人作歌不歌周南兔置野人詩歌我 朝張鍋魁

沅湘耆舊集卷第九十二終

沅湘耆舊集卷第九十三

新化鄧顯鶴湘臯編輯

長沙毛國翰青垣校訂

陶園詩老張九鉞

古體詩三十一首

有虎行

自建昌山中有虎獲孤兒
不食余聞而義之作有虎行

孤兒入山斧薪作糜有虎不知突銜其衣衆棄孤兒以餒
之孤兒言我肉汝食焉敢辭有母昨日未食今日尙飢孤
兒嘸虎亦嘸虎亦有母子虎亦有夫妻食之不義安忍爲
山風蕭蕭樹鳴其枝虎送孤兒恐傷其肌母倚闥號見兒
歸駭且癡兒言虎德我母作偃鬼疑兒出虎口入母懷虎
尾帖帖婆娑而歸衆言施長鎗毒矢兒搖手望之號且浴

彼哉一擊獸迺能義且慈

和揚子載銅鼓歌卽書其先人招討公殉節家傳後
天全招討之從孫酒酣擊劍章江門手持先傳歌銅鼓歌
聲盡裂牛斗昏西壚茲鼓二千載韶陽中徙絕不聞蠶叢
茫茫不可望使君回首傷心魂武侯昔征越雋遍天全
礪樓百里銅鼓連番栖爲桴鬼斃血鬱以平羌之水聲淵淵
大者無當如鐘欹蹶熒輦易干牛疲三十六乳相錯綴黃
白下覆雲離離次者亦可牛入百黃金缺滅包爪皮耳環
蜺蚨植繡杖花蛤對戲雙人騎又有一鼓如坐敦文團入
卦獸嚙枝古來深意存制作麗獠傳徼遠東縛地中將軍
爲一聲九溪六詔皆禮樂前明之季言官雄廟堂伐鼓相

嘗攻封疆事壞苞楫出前有應龍後獻忠是時招討一痛
哭椎牛祭鼓驚南蒙成都朱生閬州鄭各拊一鼓爭突衝
四十八男黃頭毛縱岡短刃劔賊胸手提其頭擲賊手賊
不敢受還駭走夫人亦騎寶馬出怒搗鐔于發天吼大呼
陷陣黃虎噬孕墮馬折立罵狗樓船無援漢旗靡骨作青
衣江中水鼓破國亡家亦失蠻袍破碎臥荆杞嗚呼銅鼓
何年亦飄零搖風夔雨悲冥冥會閭移洞虎夜攫此鼓甯
獨無精靈祁山渭水一腔血地老天荒各蕭瑟鯨鼉不復
返故墟土花歲歲指西碧南海神人捫赤纓魁結彝官吹
觥築何須庾信賦江南空學客兒述祖德忠良有後古如
此子其放眼歌且止西壚落日洪都紫鼓兮哀樂交相倚

當繫羌王之頸致麾幢或草諭蜀之文走邊鄙使此鼓光
星斗能熊起捧卷作歌望吾子

沅州觀緬甸國進象歌

有序

乾隆辛未緬甸會長蟒達喇遣其陪臣希里覺填進川
象十二余遊滇過之沅州作歌紀事

緬甸西南之荒夷阻山絡海窮天梯忽聞中國有軒義矯
首抗足面屢剗邊臣飛箋達京師鑿山通道重譯嚙重光
協洽歲值期叩僧禮佛雞卜宜吉員長袍曳地披寶冠瓔
珞花鏤纏金銀表葉跪捧持授臣遣使語嗚咿表曰臣蟒
達喇偕曩彌菩納臣妾妃 皇帝萬壽錫蕃釐俯軫譯外
臣雖蟻臣使希里覺填誰跪接表葉首戴繡蠻奴牽象十

鼻垂象別本國淚漣而錫波黑水噴崑礮蕉木剝船頭裹
皮蒲筒擲抱鐵鎖危颺衝瘴激無瘡痍邊臣開關揚古吹
導以俚伽雙赤旗舌人媿徒雲連輜授塗視館隆舊規沅
州四月石徑碣驛門青天黑雲頽縣官走渴驛卒疲傾村
婦女觀睥眄使臣跣足騎蒼葦莎羅纏首兜錦衣雕顏棧
齒雕眈低回彈錄耳語其禱大官呼來席駝尼合掌挽地
雙踞其蠻奴二十四雕題或牽象鼻騎其魁朱鬢頽頽虎
毛鬚寶環穿腕鐵作原注一作鐵交抵檳榔扶留嚼如呵柳瓢索
酒吸百棹撒空一躍飛駒馳亦有護行銀生兒曼胡纓綴
長劍鉞驟綱捆載多珠璣怒馬壯士不敢追殺人塞上狂
一麾從此蕩蕩連九槓秋涼計程入燕巖竇邸熏沐從職

司五雲紉纓開彤墀希里贊填臣使來表葉高捧行逶迤
蟻伏墀下汗浹肌 皇帝覽表屢領頤曰汝酋長恭且卑
珍禽怪獸甯足奇念其誠懇聊納之蠻奴牽象行躩踞浮
圖琳瑯裝裹蹶毳布文錦牙筒隨鑕鐵刀劍利剗犀象別
臣使入伏階舞應行列品料齊食以瑤芻棧以圭繡鞵朱
幘黃金羈山林一旦天家儀臣聞六詔唐不綏馴象晚紀
元白詩宋畫玉斧繩若遺况乃邦身益嶽嵒吾 皇神武
揚德威并包四極羅坤維亥步未歷今耘耔周索未疆今
藩籬純牛露犬古所稀扶服樹頌萃於斯以此陸讐效竇
懷庇于 天朝父母慈邊臣送蠻復迎歸禺山蹴踏炎塵
飛使臣歸捧錦綺繫口述 聖德侯禕而龍顏日角天人

麥雨行將相皆熊羆大庖玉饌羅清豉那似樹酒蚺鹽非
鈞天仙樂名不知但識鏗錫蕩心脾酋長北拜舞倣倣築
臺將倣陀尉基扶南盤况多兕獅聞之計物思孜孜
皇帝大度天無私於此但示以羈縻宮中正讀旅獒辭謙
德肅肅流淳熙邊功不賞敦古治閉關命語西南鞬勿用
勤勤遠物爲

飛雲巖歌

白土巖中壁上俗詩鐫鐫殆盡
黃平刺史朱懷棧索子長歌

黃平刺史雲中住不放雲飛九溪去
斷天墮龍虎怒衝風鬱律不得吼欲使巨靈劈巖走急分
三千六百軸之鈎釧鎖以巨鼈戴其首入門赤日蕩壁微
芭蕉花落蝙蝠飛繡裙蠻子擊銅鼓五月雪飛作紅雨長

松璣玲垂髯寒珠簾斜挂青闌干沈沈月潭浸其下瀛洲

大海皆倒蟠君不見成人死去五百載飛雲巖上今猶在

成人不肯留姓名徒付山川鬪光彩我欲脫我青霞襜披

劍快斫生長蚬掬起浩浩洞庭水洗此百怪腸纖纖朱君

朱君豪於詩胡不淋漓自鑄為偉辭毋令俗工來滓穢使

此雲氣愁以悲老僧但畏雲飛去未晚先教寺門鋪雲收

月出將奈何相與紀功碑下坐摩挲為君唱作飛雲歌注自

巖壑奇麗為前明成客所開前臨月潭有寺王文成公紀功碑在焉

白水巖歌自注坐白虹橋望白水巖作

西南之山何怪哉奔騰直自崑崙來長風三千丈撐砒銀

河開白虹鬱鬱不可以暢下迺令莊躡施大斧徑使長川

巨壑駕空懸險無滌洞元冥轉雪九地底倒灑珠箔金銀
臺日月行之耶敢過丹霞橫射屏崔嵬雷公砰訇斬青壁
天鼓天車互撞擊盤渦噴沫旋入極使人耳聾目眩喪精
魄更百餘里猶奮怒而未息匯爲潭水鬱瓌而冲融聞有
犀牛鬣鬣眠其中南通珠母國東接蛟人宮火齋木難孰
窮詰欲與洞庭海若爭豪雄怪哉犀牛何年來此家不見
孫可望肝睢雙目獐厥牙役使毒虺與修蛇塞川徙壑撥
彩華萬夫號跳屨不盡血肉委積紅翻霞犀牛茫茫若木
聞率其族類娛子孫潭深月沈朝復昏清蘿裊裊猿紛紛
我告爾犀守此終遭神鬼噴胡不掉頭一撤湖海濱康熙
年開山陰客作爲壯士攫寶歌錫此一尺巉巖壁我生衡

山遊匡廬水簾石梁躡酣嬉誰知造化功到此彌魁奇不
 能雕鐫為小辭醉臥白虹橋放筆叫淋漓無射錢塘鴛無
 戮陽侯鉞不來攫寶來鬪詩絕景恂悅多夕暉側身西去
 還嗟咨吁噦乎壯士何以為吁噦乎犀牛知不知自注前
之亂解餉官棄金十萬於潭溪可望後萬夫塞白河犀澤
水取之十餘日不竭乃止康熙間有壯士泐水入見珠寶
攫之與犀鬪力竭棄之出山
陰呂黍有歌紀事鐫亭壁上

馬龍關漢將相祠杪樵樹行

雄關昏黑下攫人哀猿前嘯虎後信其上烈風無時息萬
 壑浩洶來鬼神將相祠前杪樵立樹勢爭祠倚關急層梯
 傑閣蟠虛無土官酌酒蠻僧揖以火照見蒼龍皮高不可
 極大百圍須臾明月引我上一祠一狀皆欲飛驚鳥將子

爭高下雌蜺標嶺蛇走鱗四時雷雨變春秋萬劫丹青歸
造化花竿紫蕪蕘回互戰馬弓刀突趨赴不死英雄故國
心各結乾坤爲鬱怒盤旋到頂偃蓋張打頭子粒飛紅香
角聲吹月落無底九谿六詔煙沈蒼靈區絕景那得久催
客鳴鐘欸人走十里孤城夢魂搖蒼龍猶作漢家吼自注將相
祠祀諸葛武侯關壯繆侯及侯之子威
顯王廟宇嚴肅靈異時間故未語及之

阿裨歌有序

阿裨元梁王女彝賊攻昆明梁王召大理段功擊走之
以阿裨婚焉後被忌功者讒殺阿裨作歌不食死墳在
滇海上

兒不如押不蘆長秀風與霜兒不如踏裏彩長繡鴛與鴛

昔爲白蓮花今爲斷腸草昔爲瓊樹枝今爲污泥槁兒身
酬奴功已爲宗社羞忌功格殺之又以婚他會天孫與王
姬千古有此不聞之山瀕之水山峩峩水瀾瀾生不歸梁
王宮死不作段氏鬼自注押不蘆塞上起死草踏裏彩霞
名皆蒙古語卽用歌中事歌云心懸
明月照青天青天不語今三載欲隨明月到蒼山僕
我一生踏裏彩雲片波瀾不見人押不蘆花顏色改

郴州曾孝女祠有序

孝女山東宗聖後裔父尙增官郴州刺史州署夜被火
孝女起掖父出復入負母母病癱負之不得動擲州印
出竟抱母焚死畏于焚署處分未請旌郴人傷其孝
烈建祠蘇仙嶺下一夕而就余聞之爲賦詩

女郎祠頭妖鳥叫刺史署中火鬼嘯祝融夜毒風咆哮孝

女掖父出火巢噓噓出出不怖我母病在牀牀在火母已
燔炙兒何爲以身纏燄抱持之粉骨磷岫丹虬赫猶提官
印火中擲可惜金剛百鍊身鬱鬱世寰藏不得萬人號呼
江熱怒香氣橫爲五嶺霧宅中湧出青蓮花直飛切利天
宮去邠人立祠傷孝烈一夜巍峩壓江赤左鄰蘇姆右龍
女源蓋彤幢素霓舉吾 皇旌典節孝先有司入告何遷
延貞魂儻駕丹虬返長爲天南靖毒煙

鑿石浦杜陵草堂行

春江蟠天花雨黑巨浪崩崖怒撞擊風吹蕭蕭青楓林上
有詩人萬古宅中原盜賊阻不歸挈妻攜子將焉依朝吟
白晷暮朱鳳殘云暮矣恆苦飢當時將帥無嚴武忍氣飄

零伴羽虎誰知一宿繫山川過者思之莫椒醑湘靈嶽帝
待公久客星夜夜依南斗地委江湖稷契身天懸日月文
章手潭人今古重性情作祠仍以草堂名佛鐘社古爭趨
走浦底蛟龍靜不驚浣花讓西傳舍耳平生安得有甯止
紅蕖碧杜墨花香來往精靈聊在此名高前後一長吁賈
傳褚公今有無前村殘日唳鷓鴣我獨踟躕胡爲乎

題侍御朱東海先生指畫虎

君不見歲在著雍攝提格建寅之月日時同侍御晨興指
畫虎巧合造化非人工懸崖枯石葉櫛前霜色淺沙淺草
肅腥風出穴夕陽飢以舌舐爪額低蹙猛文般般尾逐逐
金睛突出愁四囑不須一嘯百獸驚氣已橫行滿幽朔

之中堂堂欲動手著玉叉皆震恐黃神越章佩者誰桃櫻
羣芟同示勇吾皇神武邁前古塞上圍場親射虎貫虜
祇發一金鏡四十八藩歡拜舞先生請隨豹尾行識虎之
狀與性情夜脫錦鞬灑墨汁猛力健骨何崢嶸古來畫虎
技少良我朝指墨獨擅塲鐵嶺高相國伊祁李太常先
生與之稱三絕往往神采猶飛揚迺知文事與武備兩者
兼之始稱異書生但賦羽獵工漢廷空列獸樽麗百年近
臣多翰墨鳳翮鷹揚皆吉士飛而食肉萬里心桓桓卽是
干城寄玩物喪心匪所倫片紙寶之瑤與琨我願先生畫
爲百幅傳後世使知我朝待從多虎臣包鼎之輩畫手
耳咄哉咄哉何足論

道州女沈將軍祠行爲外弟司訓梁慎莽作 有序

將軍名雲英蕭山人明道州遊擊沈至緒女獻賊寇州
至緒戰死女率十餘騎斫賊營奪父屍還獻賊駭走武
岡道州人德之建祠麻灘以祀 國朝猶著靈驅山賊
慎莽任州司訓來都門爲余言且曰非子長句不足表
奇事乃賦是詩

上馬莫歌 宋蘭詩下馬莫讀曹娥碑不見道州將軍雲英
女柔翰日探窮訓詰息吹蘭蕙豔芙蓉弱不勝衣纒一縷
父守危城憑險阻斬將搴旗血戰苦國步艱難可柰何身
委疆場目如炬將軍怒馬提長刀鷹聲奮呼闕虎虓悲風
滾滾從之號手揮疾霆刺營入刈賊不啻蓬與蒿奪還父

屍賊膽搖鷹隼一撇秋凌高誓師再戰盾弧齒黃虎西吞
氣披靡夢中只訝女天神武岡夜夜營猶徙 朝廷襲職
命釵裙半壁西南倚大勳真同晉室荀崧女不數唐家娘
子軍將軍有夫賈安策勇冠荊州號無敵督師棄之以餒
賊頭顱手向岷江擲報國復讐今已矣草疏陳情歸故里
父喪夫樁哭雙扶指括臂鞫無復理漆室匿形朝復暮貞
媛經師靜得悟誰識衝鋒折馘身蓮花座湧潮迎去道州
人感全城功麻灘祠宇撐晴空明璫翠羽披龍衮巾幗干
秋無此雄康熙年間山賊嘯轟然巨礮騰神廟搏空泥馬
簇瑠戈兜鍪現出將軍貌抱頭棄刃紛竄逃靈旗歸閃鳴
金鏡萬人羅拜聲喧呶此州司訓吾外弟爲文再述全城

事長安把酒話英豪月彩凝窗花撲地芝龕樂府記非訛
墓銘曾讀毛西河筵前奇氣忽盪摩方寸飛湧營溪波爲
君更倒金巨羅淋漓橫寫將軍歌

郊勞臺歌

有序

郊勞臺成方桐山宮保建東西二坊鉞代撰四字東坊
曰六幕歸仁西坊曰萬方送喜書之於坊 皇上駐

蹕新莊至行禮日由良鄉縣穿城行鉞爲城中民居賈
店作凱旋新聯幾千餘路一日夕揮就以都中進

賀冊內無尚賦郊勞臺者歸館作柏梁體百韻紀其實
焉

將軍西域班師迴 皇帝命築郊勞臺文昌上將聯杓魁

提劬六幕俯八垓崑崙崙盛基慈嶺排交河瀚海前滌洞古
日維戊卯泰階華旂星早轉斗韉迺蒞于臺帳殿開千官
百僚捧笏陪策勛飲至典禮賅卿雲滿路瑞日暎旌旗
翩鸞喙喙珣弓虎文金鞞鞞魚魚雅雅曳劍櫛將軍戎服
上金墀跪抱 聖膝以次來 天顏有霽笑語諧驗厥瘕
疵面黷徽曰汝功首平淮裴僞汝上公配中台鞞爽親解
龍袞裁侯伯子男以次推賜以章服光齊玫瑰臺前錦綺如
山堆拒鬯圭瓚體尊曷天廚麟脯雜豹胎感 恩稽首熱
淚潛 廟謨 詹筭罔弗該二萬餘里運恢恢羣臣何有
功涓埃入旗勁旅仗飛材跪捧 御賜歡如雷朱提鈔錠
雪皚皚文綺名綴內庫牌行殤割炙酒如淮籊雲天馬產

渥注爾筋虎青騰龍媒于闐美玉瓊瑤瑰葡萄甘露味美
隗峯駝後猊毛毳毼古所未聞今重鑄銳旌前導神礮催
封大將軍黃裘縞無城不鏃壁不摧一掃雪嶺飛煤良饒
歌 聖製愷樂佳箎竽短簫花鼓槌寶鞭敲鐙足榻踏前
時斫賊潛衝枚旋鑿夾道懼者飴我徒曰歸婦酌醅貰酒
含笑典金釵昔我往矣柳未萋玉溝冰澌水漙漙今我來
思桃破腮丁香花長垂荆柴惟兩逆曾事可咍 皇釋其
業恩弗懷窮猿脫兔不自猜敢搆罪人肆豕豸九尾之狐
九首虺 天心震怒降以災 帝順天討將帥才萬馬驥
驢馳噴厖犁庭掃穴何焯焯如刈蓬蒿斬麻稽亡精喪魄
走卜墮游魂釜底敢乞哀身殛天刑獻其骸直捲月窟無

織纈不勞民力不傷財三年計功無徘徊屯田將盡闢草萊誰先投誠伯克儕雕眩鬢首鬅于思麒麟之服冠母傾雕鞍錦障白鼻騮蓄豕馴象爲輿僮俾以挈婦提嬰孩懸會之首于藁街分其腰膂剄其頰車碾其骨揚其灰孰蒙豢養孰炮煨順逆自取理不乖 皇帝威德包九閩北窮沙漠南朱厓郊告肅穆禮燔紫紀功太學碑鐫首千年聚進萬壽杯推仁錫類愷澤培蠲租給種勤招徠周原膺膺田每每嘉禾瑞麥天使栽此臺峩峩聖水涯榎楠杞梓松柏槐梯航絡繹筐篚借過者抃舞羅拜皆鬱葱葱兮氣佳哉更億萬載長崔嵬

遼后岡歌

自注岡在
頁鄉城北

遼家后妃皆好武木葉山頭親射虎自得燕雲十六州
鉢田漁無定所良鄉南京之畿縣渺瀰咫尺延芳淀遼君
曾放海東青搏落頭鷲開大宴此岡積翠平逶迤下臨大
野春草肥遼后爲民起何時得非擊室爲塞門西入揚餘
威又豈澶淵役親提勁旅受盟歸應天承天崇徽號雄略
迺出由宮闈二十餘萬屬瑯軍牙旗阜纛蟠寒雲杓窠鷹
紐檄飛下如林刀戟前後屯長鳴中鳴橫吹集桃皮鶯築
交相喧戎衣簇擁皆綠黑黃蓋居中衆遙識幅巾覆髻貂
抹額紅錦鸞袍袖雙窄捍腰鷲項挂鞬鞞寶劍一揮天閃
白鳥韉黏鎧疾如飛騎出龍駒高八尺鼓聲椎破桃花水
水塘頃刻空鱗鮪廣場追鷲獸積山燕日爲愁風不洗鴛

鴛鴦與鴨子河暄光那得都如此重開帳殿歡聲送計
不論論賜金錐宰鴨進雕盤犀刀膾鯉罪香雪黃頭奚
兒渴欲死生提銀鱸吸其血斜陽倒射房山青一聲畫角
誰敢停仙游芳輦魚魚行敲鏡鏘管簫兼笙都人夾道起
埃坵內家結束驚娼媼宮娥兩鬢杏垂紅不插臙脂長十
八我稽舊史每嗟吁罔前罔後徐驅車瑤輦國俗重游獵
當時亦自誇雄謨明晨再過妝樓看一想東丹千鹿圖

東鹿觀走馬行

鄴縣城東有郊場桃花未落煙棉香跳丸緣索昨未足特
邀走馬觀紅妝盤鬢垂簷一尺長丹襦畫袴山東裝隆興
寺前陳百戲皆云此隊神揚揚是日觀者如堵牆李侯下

馬坐堂皇整釵束履久始出良人牽馬立埒傍盤旋急下
示怯惟小姑大婦相扶將鼓聲坎坎鉦鏘鏘警然一躍千
丈強星蹶霧鬣怒蹠躩揚袖舞袂紛低昂立如健鶻決雲
上側如輕燕飽風翔鼓悲響散駭仆僵身著馬腹藏錦障
翠髻明璫整不動但有彩帶嬉飄颺觀者眙眙鼓再發雙
鬢合騎爭頡頏虹馳霞閃花撩亂超逾之技不可詳姿因
險勢各闢出巧以捷手爲徜徉馬亦驕人賈其勇欲箭天
快騰驥鼓收敲鎧顧笑返粉巾交拭態浩狂臙脂河水
無顏色萋萋草接天青蒼是時城頭日未下諸鬟再請奏
伎良李侯回馬賓從散聽之明日過饒陽吾聞叢臺歌舞
而鄆倡禍兆探殼武靈王前明河朔稱繁富笙歌未歇漳

河傷高門大戶皆砂礫至今此地餘村莊奇技淫巧天所
忌此輩亦足撓耕桑李侯豈無十萬纏頭箱母令士民相
率爲淫荒

傾井村漢光武

行爲李東鹿莢裳作

滹沱河上傾井

祖廟何軒騫丹宮摩霄黃鬘瓦上
盡海茫茫九十九淀蟠其下吾聞

滹沱故道

用晉 殷繁稱大郡明末鄆城被衝決移

邑仍與河

下全

河 壯大鹵頽沙怒奔放直突

神祠不肯

城性命

一湧萬人號廟廟欲動須與河

勢慘不驕長蛟巨鼉眩 但逃下刷百里穿枯槽萬人無聲

青天高平原白日明秋豪卻瞻神祠風習習似有龍車排

戶入兩行宮女皆起立泥馬蹴踏汗紅溼神仁豈以鄰爲
整一方僥倖獲安樂民走叩闕帝命督臣來相

度河自古無奇策疏濬隄防功第一大禹汨水順其性
地勢高卑殊今昔舊渠已得暢安流疆域無分皆聖澤督
臣入奏制曰可從此鄴人夜安席其年瑞麥鬱元其兩歧
九漁陽同李侯新廟圖瑞麥庶民不日成巨功豐碑屹
然立井上大樹往往生英風真人經營河北始赤眉銅馬
紛披靡堅冰可踏井可傾炎精指顧歸方軌山河日月手
轉移豈在區區一方水李侯邀神絃歌似鼓坎坎舞婆
娑騰空寶鏡金盤陀翠旃明滅聲蕩摩征西高密相遮羅
朝翔入極樂且多望而不見將柰何爲神再奏神絃歌請

神爲我天子南防河

春暮獨遊舊東鹿縣看桃花作

雕鞍金犢油壁車泥融草暖行徐徐主人知我獨遊樂茶
鎚酒榼催小胥桃花縱橫三十里明霞似漲仙源水鳴鳩
乳燕昵何深白日遊絲臂不起停車藉坐芳茵久濃郁滴
杯香覆首呼來村叟酒同傾往事相詢猶記否叟言前代
王尙書內外交權氣燄殊麓川微調十四萬巨瑞邀寵勤
王誅尙書出師金兜鍪麟服弓刀旗九旂如山軍實催不
休尙書班師賜鐵券思氏渠會尙逃竄朱紫滿門金印燦
新開列第高入雲深州博野鳴鐘岡桃花周遭媚池館珠
軒寶馬迎紅裙從此名園爭美種花藝樹無餘贖妖童

變子臉爭紅冶夢，倩條粉交暎。花間擊鞠鬪雞場，陌頭挾
瑟吹竽競。滹沱一夜撇天，回門大戶泥沙堆。河朔雄風
歸土伯，惟有桃花依舊開。滄桑世代多陳蹟，改邑移城隨
勢擇。卽今河從寧晉流，大陸膏腴墳地脈。但願年年花滿
頭，但願家家果盈石。爲糧以長子孫，舊日繁誰歎息。
游人隨處惜芳菲，明日天以春又歸。有花且對韶光醉，莫
待亂飛。

橋觀渾河漲行

雁門下，渾河急力破太行。萬山入盧溝，浩渺刷洪濤。上
有長橋駕空立，六月七月雨勢懸。雲中萬水奔，滔灑九十
九。泥洩不得逆撲石，景摧崖。疑河身撼橋，橋不讓。跋踰雄

虹彌俯強後，倪奮躍怒欲吞。壓倒濤頭三十丈，紅塵坌起天搖搖。孤城如彈如鴻毛，駝鞍嶮巖連山高。蹴踏直闕龍，鼉驕千車銜尾輦。輦重速轟鞍震掉，無昏朝黃頭奚兒鞭。一掣殷雷扶電風，颼颼馮夷擊鼓爭馳騁。雁齒誰敢傷纖毫，偶來憑眺真駭絕。足不能支綫縷失，此身怳怳百靈閒。欲駕鯤鵬出溟渤，京都門戶神扶持。頃刻安瀾返其穴，深秋木落曙雞啼。來看金波蕩殘月。

自注：盧溝曉月，京師八景之一。

韓金匱湘巖席上醉作長歌兼酬鄒玉章陶葦渡兩孝廉

黃塵漫春二千里，風雨渡滬寒未已。今晨稍晴霧始見，九龍山山前忽遇韓。子使我肆兀，開心顏憶昔乾隆辛酉。

歲崢嶸太學人文會觀經槐市三百人伐鼓撞鐘攷同異

我時與君年相亞各提旗鼓不相下司成倒屣公卿迎長

篇短詠江河瀉淨業湖深狎鷗吼打聽雪片大如手弄

之周蘭溪柳

自注泊莊搗齋

傾杯舞劍蛟螭走天台雁蕩一萬丈

鑿壁青瑤字如斗兩丸出入懷袖閒東方七星掉其首我

亦天梯踏衡嶽手摩玉簡題蚪蚪豪談驚縮幽并兒鐙花

落几黃雲厚我醉眠時枕君肘不覺紅日穿深牖南北分

飛二十年音書邈隔空雲煙我作諸侯老賓客君亦手版

隨高旃長安握手再相見白髮欲出風蕭然君才十倍猶

作邑秦松日觀非疇昔竭來獨發金匱藏出手萬夫皆辟

易二泉遊地桃花流長松挈洞嘯春鳩李公臺巔望笠澤

茫茫入極青天浮青絲作船白紵謳鷺笙鷗絃歷兩頭陶
君起歌鄒君舞我行不得仍淹留小樓夜月流金梭君爲
我更洗叵羅急呼鄒陶二子至分曹射覆紛娑娑梁溪鯉
魚尺半多枇杷杏子紅磊砢美人斂袖揚雙蛾其若闕干
北斗何罄君繼爲君歡不見高樹吹臺逢李杜又不見城
南聯句孟與韓東坡淮海一去文游寒古來豪傑只如此
吾輩別離何足歎

南冰篇

今年苦寒不可言冰棧三尺厚且強遠歸父老來弔唁入
門戰疥走仆僵老妻急呼添獸炭更沃醇酒羹椒薑我生
以來未見此百果凍焦松柏戕牛馬半死况烏雀餘年或

恐難自量卅載作客飽寒暑請語父老休徬徨初冬豫章
三丈雪閉戶十日無齋糧章江冰結盱水縮蛟蜃沈浮愁
取將我時攜家度彭蠡朔風刮人肌起鏗妻孥稍幸各行
活得返故里相訛望乾隆八年京師熱六街燦火水沸湯
九門山冰窖將罄更施棺槨卹死傷其年徂冬少冰雪貂
狐價賤絛誰裝近聞北地施蚊帳老翁負暄不立牆南寒
北暖地氣異未聞夏雪冬不霜五帝平分各有執權衡規
矩列四方郎不殺草李梅實宣聖書之災殊祥冰吐腹堅
載月令凌人周禮司斬臧天以洪鈞轉元氣太平民物壽
且康冰寒暑雨各有怨造化豈得私周防簷鵲嘔啞披被
忠請看旭日升扶桑

甘泉宮長生瓦

自注南昌汪蘇門太守
得之潤濱野店破壁下

蒼鷲出地銅駝哀三百六十宮成灰甘泉青鳥飛不下西
風掃盡通靈臺金人辭漢已悽惻敗壞遺甃彌可惜誰令
萬劫自長生飛映寒鴉朝日色先生攜之下焉耆捷書頻
草露布馳酒酣出此一洗滌劇如十五秦女肌想見破籬
殘雨膩渭水晴光壓歸騎楊柳如垂翡翠溝桃花尙蝕鴛
鴦字齋頭相伴尊盃古綈錦包羅繫以組繭紙今當費榻
摹玉鈎曾與親摩撫子雲作賦骨已朽贖此隸傳延益壽
淚滴沈沈墨寶中上陵磨劔嗟何有香焚銅雀久煙塵搜
古方知物賈真不見將軍斜照裏遊人誰問灌將軍

淮陰將壇碑

自注壇在漢中府署後圃汪太
守於通守署傍掘小池得之

南昌堂中一甌石云是將壇之所得風雲躍起二百州見
之欲拜淮陰侯輪囷蒼玉斑斕碎薛作珊瑚蟠翡翠捧出
巾箱滑不支滿堂賓客皆愁視鄧侯搏土舞陽築金星揮
斧天臺斷八方旌幟插當中百仞虹蜺蟠在足出來跨下
登壇上石下鼓聲石上將石亦以氣載英雄餓夫壯士皆
神王三軍肅肅石若秋將軍履之腰寶虬山東諸王豎子
耳石上已知頸血流九日之齋九賓禮空有濤聲流潯水
誰知赤帝棟炎炎基厥山河茲石始石如王孫不肯漢鏡
室冤餘猶燦爛悲魂回首土花零城固山頭淚一段高皇
桐樹跡全昏項伯墳甌銅不存我公掘之荒棘下新鮮寶
已摩胡墩古來微物有遺守餘誰深心藏壽久不比五鳳

二年甄磨礪母付織兒手

武侯墓鐵蒺藜

自注蒺藜大小二十餘枚在太守任漢中通守得之於墓前耕人

定軍山前雷打鼓丞相墓傍月黑雨漢家鐵騎捲空馳渠
答森森怒出土當時討賊屯武功連豪密布軍威雄入陣
圖銜蛇鳥伏九原力破風雲通先生拜墓停驄馬耕夫拾
獻祠堂下擲作神鐙嘯地飛橫爲霜鏢當頭灑滅魏吞吳
氣不縮祁山渭水生芒角天教未死英雄心劫過龍漢猶
騰蹴通守堂高夜置酒大小槎枒各蚶膠壯士爭思拔角
呼樂人盡縮彈箏手今宵傳玩眼先快苦繡髮鬢碧血怪
如聞弓劍伴惠陵不放輪躑走鄧艾純臣淚爲疆塲溼燭
影搖紅貔虎立爲公捉筆那敢題恐有前軍大星入

將之粵中別家人作

烏桃初熟白棗肥黃雞繞樹重不飛老妻攜筍醉新酒兒
從江上提魚歸煮魚把酒看江色過嶺羅浮青到宅麻姑
仙壇小鳳皇招我騎之下南極亦知久客宜家室何況勞
吏宜休息東流之水西流魚吾生那得圖甯居兒女牽衣
不可住徑攀湘月挈舟去

浯溪摩崖碑

秋濤春天發怒機號空衆竅爭赴之插江精鐵三百丈鬱
鬱虎豹蟠蛟螭仰見大唐中興碑橫亘五嶺青冥陞道州
刺史天骨秀今周後漢鑄偉辭手懸乾坤雙日月山河筆
跡無瘡痍洗兵馬行西巡歌見此得無相愕眙二十四郡

一男兒腕底屈曲生英姿畫沙印泥亦何貴忠義之氣揮
淋漓恍如河北建大旗振臂一呼賊膽褫當時胡不搦萬
本山東諸道傳奔馳讀之駭汗手戰慄賢于十萬熊羆師
唐亭窳樽游虜耳大文星斗光陸離至今風雨無剝蝕得
非神鬼來維持平淮西碑書者誰惜哉砂石相磨治文章
自古有遭際令人歎息湘江湄

靈渠篇

蒙恬起長城史祿鑿靈渠當時但笑秦人愚利在後世孰
可誣不然蠻陀絕道橫五嶺戈船何以直埽炎山隔湘灘
從此相灌注鑿觜銜尾行舳艫粵嶮楚稻若縮藪豈獨珊
瑚犀象與明珠當時揮斧轟烝徒叱龍龍渴目不町銀河

挂壁怒傾瀉渠靈半掌來撐扶長隄蜿蜒鐵不如包絡坤
軸懸星衡斗門穿天三十六天以梯使帆奔趨牽緣分寸
忽一落光怪閃赫猿嘯呼茫茫大野俯何極微煙或是巴
陵湖海鼇至今眠不起貪享酒醴驕村巫渠流碧玉漢將
廟舵樓紅鬪彈箏姝乾坤轉徙在指顧柔麻美利誰膏腴
石不可以鞭鐸不可以驅老謀籌國斯獨殊屠睢周寵胡
爲乎吁嗟郡監眞丈夫

自注海鼇石最鉅
今在渠隄神廟側

桂林觀黨人碑

端禮門前一片石黃門夜半毀不得妖星奮掃殿庭來懸
作西南光斗極七星巖高碑作障灕江蹴踏神爲王但如
元祐舊罪人誰識崇甯左丞相君子小人分黑白豈在放

流與誅極請看九鼎象神奸卽在當年文字職司空作書
彌多姿此手精神曲傲之潭州地下窮奇骨羞作河山知
不知入桂林中青芙蓉行人摩抄搨一通姓名儻附休垂
涕寄語長安老石工

光孝寺南漢金塗鐵塔歌

黃雲沈沈白日澀鹿王走壁龍女立瘴雨欲下榕淒淒怪
鳴簷底呼人急當時南漢二十八宿寺訶林名以興王易
山門鑄此鐵浮屠華闕雙標亦何事東塔輪囷萬楹倚渴
鱗倒銜朱鳥觜千年苔蘚蝕不死閃閃走影玉池水教中
大師四尙書秀雲宮使爭治模李衡倪曙抽身死銘詞定
出盧膺諛西塔繼魃銘模餽誰其監者龔澄樞土花亂嵌

紅珊瑚三十二娘女弟子得非瓊仙曼壽宮中姝降玉原
是蛟蜃身殺人有暇攜諸髯蕭閒大夫煙月主于戈那復
愁中原媚川都珍幻法象龍涎吐結于孫鏐精山骨牛
車竭飛廉鼓鞞祝融赫椽徒灼焰入洪鑪女戎煽豔揚華
焱黃金灑滿鬢華林餓虎飢鷹攫不得誰知風送水回來
相輪欲語無顏色我聞錢王金塔裂兩片歌紀人間姜白
石又聞揚吳鐵佛字消磨散作錢刀磨阡陌那如此地避
修羅供以梅檀鋪赤城豈真佛力護荒淫覆轍當台後人
識老僧縛帚對塔禮長明燈焰手挑起漏痕釵腳肅客觀
鋒稜橫榻側理紙拈來一笑坐斜陽謾謾寒臆落訶子

大忠祠

自注清
水濠上

炎風嘯海精衛哭一代君臣葬魚腹黃冠柴市血南飛同
作丹虹珠海曲牡蠣緣潮畔走苔榕枝交鬱祠崔嵬大書
丞相與樞密至今過者猶徘徊南溟不種冬青樹杜宇嗚
來復嗚去茫茫十四萬男兒欲奠椒漿竟何處蟲沙猿鶴
那足悲乾坤正氣留綱維墜蕤蕭蕭尙滿地高歌如意碎
者誰君不見慈元殿前白虎橫海濱又鑄金夫人

大湊山歌

有序

大湊山在桂陽州城西鉛錫銅廠在焉又名寶山廠爲
州刺史所司官是者皆緣爲利家大人以丙戌司州鐸
戒士子凡營謀厥利者勿以一呈一牒闕宮牆肅然暇
卽與州人士尋訪古蹟著桂源草以竹枝體作桂陽見

間詩及寶山詩桂陽人皆能誦之寄示九鉞命作大湊
山歌

我聞桂陽郡其嶠曰部龍迺在騎田都麗之當中聳爲大
湊山勢與祝融九疑相比崇南離蜿蜒磅礴之氣不得洩
包以樸石鬱鬱煙嵐雄荊州三品禹作貢五齊周利草人
用唐家迺置白金監閭寶以前歲入重我朝郡不設銀
生以資鼓鑄酌虛盈生齒日繁民用急肴鏈和錫資菁英
近來復允司農請廣爲開採用始羸老隴何岌堯穿穴青
天陞上則烹丁治卒紛參錯下則牛車羸載連尻脍赤雲
墨霧蒸五色半空雷電羣驚疑鷹隼之飛不得過陰崖安
敢號山夔熙熙穰穰爭趨滂夫長楫夫豈招募儒生射利

夫何爲往往虧額遭官怒吾翁來此司文鐸戒以不貪毋

耶

自注宗大人榜一聯於學署門金銀氣寶山官毋無以不貪識文字交因無好親三楚傳誦

姓名竇序歲時有笙籥騎馬不入程鄭門訪客不過卓王

孫提壺挈榼攜賓侶桂水直探桑鴈源人傳竹枝詞十二

風土見聞辨疑似深心非同貨殖傳考核欲補地理志昨

將一帙寄西吳讀之夢入鐙花綴忽如攜我衛侯祠上笑

蓉峯青鞵手捧靈壽從蟠天老桂三百里海風片片仙霞

紅不見寶山高重重惟見四十八泉碧玉色光芒流繞素

王宮吾聞天地開闢山水融液秀者爲人物麤者爲砂礫

此邦之士多英傑吾翁之願宏教澤萬景窩與綠紫坳四

時佳氣日日干雲霄吾願茲山以寶化爲文章氣節百鍊

膏貢之天府儲雄豪國家之寶在人物更憶萬年取無盡
用不竭勿使郴州客但譏楚南少人而多石

謁韓文公祠

九瀧橫天寒雨溼雷鼓軒鬪風急鯨牙穿盡出青冥百
尺丹祠倚空立韓公千年此靈宇其陰沈沈蟠水府同龜
亦有周使君曾劈重灘揮大斧逆鱗手批滅天關佛骨未
焚人膽寒南荒自古魍魅窟上帝命之除奸頑文章光燄
偶一落坐壓山川勢磅礴神煙萬縷白鳳飛枯松埽霧朝
陽耀批糠濁世垢者誰至今元氣猶淋漓不歌拉子神絃
曲且讀艱難滌吏詩

長沙飲郭二丈宅在坐者歐陽竹淫侍御劉賓門太

史鄧丈山明經時丈山亦將往都門約予同行

東流之水西流魚男兒刺促無定居不見張生有田耕不
得攜琴又走長安陌洞庭水落洲渚高歲云暮矣風怒號
鴻雁驚霜鳴嗷嗷鷓鴣鸚鵡求其曹郭翁餞我江之嶺玉
茗垂階綻寒雨蠻胥子鱗入盤新糟筍甜橙開箸取歐生
劉生吾老友瀛洲珥筆曾居首如今都著遂初衣著述名
山相待久我生跡弛耽遊興不工文字惟窮命壯士休爲
猛虎歌漆園莫笑屠龍病鄧生亦是張生儔十年上策不
見收勸君致身須及早夜闌更看珊瑚鉤

大漲渡洞庭作

故園小住不可得南風吹我征颿疾洞庭六月天倒流送

入峩眉九峯雪黃陵廟前釀酒香鼓聲未絕過岳陽鷓鴣
班竹噉落日七十二峯蒼復蒼湖魚尺半雪貫柳買魚且
到洞庭口長空淼淼鐵笛來遙勸雲中一杯酒流行坎止
理自然胡爲冒險隨長年湖光向夕平如練醉看紅霞待
月眠

襄城烈士行

有序

明崇禎十五年流寇破襄城諸生耿光等隨汪中丞喬
年殉節者二百餘人過此作詩弔之

書生報國好男子二百餘人巷戰死氣作中原虹蜺長波
翻襄水蛟龍紫當年藪蔓賊縱橫中丞擐甲親移營大帥
棄師竟南走陰雲慘澹盤孤城宮牆白日灑紅雪烈士奮

呼天宇裂山川精魄鐵肝腸不化烏鳶口中血軍門贊化
登陴守妻兒磚石負奔走巨壘回燒礮火聲長矛懸出黃
巾首中丞力竭城遂破七尺堂堂誰怯懦罵賊甘隨殺鬼
雄擇福能同正人禍手足可剗名免辱誤國傷心罪難贖
英颺怒捲襄水波賊不生噬叛侯肉往事沈吟付劫灰賢
門日月猶崔嵬行人下馬一憑弔姓名斷碣隨荒苔天心
降此陽九厄事去英雄在黃馘君不見先生已懷翦賊詩
弟子又殉文山集自注先時襄城訓導張信胸懷剪賊詩
斷舌死諸生李光闊抱文文山集按許

池死

種菴篇

自注粵山險斗可種者曰菴人
曰菴戶見諸記載按菴音斜

大輦駁駁高插天猱顛鷹墮愁攀綠小菴破礮互倚伏木

楮竹笆低架屋聳人走險不用徑側耕危獲爲性命燔山
伐石虎爲悲欲闢千峯萬峯聲吾聞梅州楮州木所都土
堅石潤泉不枯誰歟黠民欲網利一朝雍之無根株亦有
官山本硯瘠聳人私之爲種植牛黍包穀與旱稔煙草更
間多似麥土無附麗巖失固旱不致雨潦崩圻五月六月
狂霖瀉建瓴水自江閩下頽沙壓入萬溪流直捲三河色
翻清梅州上游已掀播潮州釜底驚殺我海口分支入港
隘急水咽喉一門鎖長隄如線城如毛沙勢橫打湘子橋
二十四甕半成阜千里震撼無昏朝去年六月水上城三
版未沒如懸旌城外船繫城內樹鼉吼不聞號泣聲浮屍
抱肘埽橋走怒沙挾之誰敢攬乾隆初年兩月雨父老逢

之無此驚况復洲頭大狙猶種草瓊洲江轉隘陞科綠奸
計豪釐官失勾稽胥吏快大官屢下疏濬議十萬金錢乏
經費空言無補袖手觀填薪負土須臾計燕雀處堂魚游
鼎一域無恙豈天意嗚呼此忠匪由沙誰其首旣在種耨
五行水木土交用當爲天地留精華潮州財賦甲諸郡利
害大小懸等差朝廷令甲勸種樹私墾漏稅法所加栽成
輔相有深意願爲告諭窮幽遐母令杞人日夜興憂嗟

羅浮蝴蝶歌寄蘇博羅杏浦

吾聞祝融火德司南方離明府啟爲文章羅浮南嶽之佐
命山川靈氣紛翔翔鳥仙五銖衣鬱鬱藏不得麻姑五色
裙翩翩不可擲散入蓬萊第七天化作如輪彩蝴蝶丹泉

渴飲芝療飢鐵橋瑤石相蕃滋六朝洗盡金粉色七襄織
就天女機眞文紫篆巧宜染得非四百餘君遊戲之所爲
五月晴霞炎海起華首臺高不見底紛紛百萬羣遊遨高
舞低旋燦錦綺撒然一逝隨長風茫茫大壑天如水亦有
收之入行簾詩卷梵經相夾束韓憑魂魄萬里歸仍付珊
瑚花裏宿迺知出自鈞天居海眼丁香未足殊謝逸何緣
收入句滕王那得品成圖蘇耽此地神仙吏異物休辭遠
難致何當踏上石樓峯相與騎之謁天帝

颶風行有序

颶母八方風自南起至南止曰回南七十二颶獠龍最
惡每歲鬼宿卽則有颶粵人以此占候歲多雷聲則不

起起聞雷卽息

八風戰天颶母來鐵騎躡踏爭轟虺元冥慘戚白晝晦日
南象郡安在哉猝龍驅海上天立雨勢橫拏風怒急沈沈
人界在須臾鬼神禁之不敢集城外之石城內打半空鏘
鏘闕屋瓦十圍松柏拔地飛望者駭什壓欲下韓江直入
穿城濠通城洶湧翻狂濤呼爺號婦各不見馮夷似欲防
奔逃三溪鬱鬱那得洩一州呼吸如鴻毛五更風雨猶軒
簸掾胥急以回南賀兒孫稍來始屬我以手撫摩翻淚墮
前年廣州五日颶浮屍蔽江相枕臥今年幸無鬼打節虹
不飲海颶少懦天心仁愛聊示警餘生不慶誰能那天明
步出潮城隅敗牆塞道人長趨郊原寥寥禾稼沒大編高

橋嗟蕩除虎豹徒江舂挂樹何況千家萬戶牛羊豬炎日
黯澹失顏色長空仰望猶踉蹌煌煌祀典列風伯胡忍以
颶爲民厄歸來卻坐自歎息我願祝融秉笏訴蒼昊驅使
雷公下炎烏盡擊七十二颶颶母死使我百穀用成百姓
皆壽考

鳳塘村食荔歌

自注鳳塘村產荔枝
鳳毛爲潮州第一

昨日積雨今日晴潮州荔枝紅滿城使君食之不快意拏
舟曉向鯤江行鳳塘村壓鯤江厓白玉琢隄青玉街回汀
通水作園圃連村編竹垂荆柴柯柯交椅黑葉翳冥冥碧
草煙茵麗入門十萬積虬珠流下元蟬聲滿地朝陽欲出
露未晞火雲沈滴天漿肥鳳毛五色搖滉瀆惜之不裂絳

羅衣左攀右摘適幽趣滑手勻圓醲醴聚羅淨玉女洗頭
來亂走水晶盤不住噉之三口神肅爽蒼苔偃仰無言想
仰空海色出青蒼漸看汨汨香潮上從來但說色香味二
日見之能辨異安知到午卽離枝糟粕徒存神采廢君不
見唐吏部園綠荷苞又不見李孝廉家丁香核金錢那許
隔牆擲閩中鬪倒楓亭驛如今高門大宅皆塵埃枝柯伐
盡無根荻人生如此大嚼亦快哉何必增城挂綠尙書懷
自注綠荷苞丁香核皆潮州荔枝佳品挂綠
一種出增城湛甘泉先生手種名尙書懷

西陽大水行

火雲燒空燄四起青蛙走樹蛇渡水長年視視行威遲十
里五里還徙倚西陽繫舫魚筭根纖波不動熱月昏火龍

夜欲鞭白日江氣驕亢山鬱煩三更噩骨滑蛟立赤電驅
雷榜人急狂風倒翻坤軸飛雨作天河破篷入暝沙堅鉤
屋瓦打船尾不磨船頭罵舟燈岸火撲無光鬼神窟宅鴻
毛下洪濤拔樹如拔蒿似已突過懸崖高斷查沾沫不知
處勢與船戲相攻塵跳號永夜聒未休我亦危坐寒飈颼
雜聲始喜人界出衆雜相對潛淚流居民侵曉高岡徙前
提老翁後挈子殘篋破檣羣昇行粟粃禾畦傷披靡去年
梅州水沒城城中鷄犬晝不鳴決廬蕩墓浮屍下枕藉誰
辨弟與兄亦思轉徙向他郡官府恩郵如孩嬰數百年來
災偶值祖宗鄉土棄豈輕但保倉皇有骨肉那計狼籍無
秋成濁陽川氣黃翁苟坐駭喧歷旋渦狎南船得失轉瞬

閒愁見飛鳶陸跼跼移舟三日依澄灣
伍米告罄猶歡顏
流行坎止信有數倚窗且看西陽山

沅湘耆舊集卷第九十三終